



CONCELLO DE VIGO

XERENCIA MUNICIPAL DE URBANISMO

SECRETARÍA

JOSÉ RIESGO BOLUDA, SECRETARIO DA XERENCIA MUNICIPAL DE URBANISMO DO CONCELLO DE VIGO

CERTIFICO: Que o Consello de Xerencia da Xerencia Municipal de Urbanismo do Excmo. Concello de Vigo, en sesión ordinaria do día 28.10.2016 adoptou, entre outros, o seguinte acordo:

2. APROBACIÓN INICIAL DO PROXECTO DE ORZAMENTO 2017 DO ORGANISMO AUTÓNOMO DA XERENCIA MUNICIPAL DE URBANISMO. EXPEDIENTE 9281/407.

Antecedentes:

O día 21.10.2016 o xerente de Urbanismo, co conforme da vicepresidenta da XMU, informa:

De conformidade co preceptuado polo artigo 168 do texto refundido da Lei Reguladora das Facendas Locais (Real Decreto Legislativo 2/2004, de 5 de marzo), a Xerencia Municipal de Urbanismo como Organismo Autónomo adscrito ó Concello de Vigo, presenta ó Consello da Xerencia, a aprobación do seu Orzamento.

Redactouse este Orzamento seguindo o previsto polos artigos 162 e seguintes do Real Decreto Legislativo 2/2004, de 5 de marzo, polo que se aprobou o texto refundido da Lei Reguladora das Facendas Locais, contendo a expresión cifrada, conxunta e sistemática das obrigas que, como máximo, poden recoñecer este Organismo Autónomo e os dereitos que se prevén liquidar durante o exercicio 2017.

De conformidade co artigo 165 do Real Decreto Legislativo 2/2004, o Orzamento está integrado por:

- a) Os estados de gastos, nos que se inclúen, coa debida especificación, os créditos necesarios para atender ó cumprimento das obrigas.
- b) Os estados de ingresos, nos que figuraran as estimacións dos distintos recursos económicos a liquidar durante o exercicio.

Así mesmo, inclúense as bases de execución, que conteñen a adaptación das disposicións xerais en materia orzamentaria á organización e circunstancias deste Organismo, sen prexuízo da aplicación das bases xerais do Concello.

Conforme co artigo 168.1 e 2 do propio Real Decreto Legislativo 2/2004, ó Orzamento do Organismo Autónomo únese a seguinte documentación:

- 1) Memoria explicativa do seu contido e das principais modificacións que presente en relación co vixente.
- 2) Liquidación do presuposto do exercicio e avance da do corrente, referida, polo menos, a seis meses do exercicio corrente.
- 3) Anexo de persoal da Entidade Local.



CONCELLO DE VIGO

XERENCIA MUNICIPAL DE URBANISMO

SECRETARÍA

- 4) Anexo dos investimentos a realizar no exercicio.
- 5) Anexo de beneficios fiscais en tributos locais contendo información dos beneficios fiscais e a súa incidencia nos ingresos da Xerencia.
- 6) Un informe económico-financieiro, no que se expoñen as bases utilizadas para a avaliación dos ingresos, a suficiencia dos créditos para atender o cumprimento das obrigas esixibles e os gastos de funcionamento dos servizos e, en consecuencia, a efectiva nivelación do orzamento.

Contido salientable.

O Orzamento da Xerencia para 2017 contempla un incremento do 33,5%, acadando os 9,5 millóns de euros, fronte ós 7,12 millóns de euros do exercicio pasado. Dito incremento susténtase no incremento da transferencia neta do Concello a este Organismo Autónomo e na incorporación dun ingreso de capital procedente da conta non orzamentaria do PMS coa finalidade de obter, rehabilitar e poñer o servizo dos viguesas e as viguesas o entorno da Panificadora.

Ditos incrementos e a reestruturación dos gastos para facer fronte as actuais necesidades, posibilitan a consignación de créditos para a redacción do novo Plan Xeral de Ordenación Municipal, para a ordenación do ámbito da Panificadora, para a urbanización da Avenida de Europa axustada o PXOU do 93, e para acometer as execucións subsidiarias derivadas dos incumprimentos dos propietarios das correspondentes ordes de execución.

Consignanse créditos, para posibilitar a concesión de axudas para comunidades de propietarios que executen obras de mellora na accesibilidade dos edificios antigos.

Os investimentos previstos mais importantes están dirixidos á adquisición de solos correspondentes o ámbito da Panificadora. Neste caso, os recursos empregados proceden da conta do PMS que (no momento de redacción deste documento) ten un saldo de 2.616,204,23 € e ten adxudicados, pendentes de ingreso, bens municipais por importe superior a 2,2 millóns de € adicionais.

Respecto ás previsións de ingresos, derivado das consecuencias da nulidade do PXOM de 2008 que axustaron a baixa as previsións iniciais de 2016, mantense este criterio de prudencia polo que prevese unha redución de ingresos por licenzas de obras e actividades polo que o orzamento global de ingresos propios por taxas e outros ingresos cae un 20,86% respecto o ano anterior.

Proposta.

En conclusión, propónse ó Consello da Xerencia (competente de acordo co artigo 10º.1.h) dos vixentes Estatutos deste Organismo Autónomo) que eleve á Xunta de Goberno Local a adopción do seguinte acordo:

“Propoñer ó Pleno do Concello a aprobación, como parte do seu Orzamento Xeral, do Orzamento do Organismo Autónomo “Xerencia Municipal de Urbanismo” para o exercicio 2017, que ascende ó importe de 9.507.000,00 euros”.

A seguir os asinantes formulan a proposta que se contén na parte dispositiva do presente acordo.

Votación:



CONCELLO DE VIGO

XERENCIA MUNICIPAL DE URBANISMO
SECRETARÍA

EN CONTRA: Ningún voto.

ABSTENCIÓNS: 3 votos: 1 da Marea de Vigo: Sr. Pérez Correa; 2 do PP: Sres. Fidalgo Iglesias e Figueroa Vila.

A FAVOR: 6 votos do PSOE: Sres. Abelairas Rodríguez, Alonso Suarez, Aneiros Pereira, Caride Estévez, López Font e Rodríguez Escudero.

Acordo:

O Consello, por maioría, acorda elevar o presente informe á Xunta de Goberno Local para a súa resolución.

E para que conste, para os efectos oportunos, expido a presente de orde e co visto e prace da sra. vicepresidenta da Xerencia de Urbanismo, coa salvedade indicada no artigo 206 do Regulamento de organización, funcionamento e réxime xurídico das entidades locais (RD.2568/1986), en Vigo, o vinte e oito de outubro de dous mil dezaseis.

Me/Vº e Pº

A Vicepresidenta da XMU

María José Caride Estévez

